

禱于城隍廟邑人享士。立營未定自成兵已薄汝水上方

接刃賀鄭二將先逃兵大潰喬年以數百人入城以守

王之良為南兵部右侍郎衛景瑗李鑑為右僉都御史巡撫

大同宣府

癸丑定王出閣就學

白貽清改戶部右侍郎督理京省錢法

孫傳庭仍兵部右侍郎添設總督陝西三邊張福臻仍兵部

右侍郎總督薊遼通津部議分兩督福臻駐薊范志完出閣

甲寅許江南嘉定上海荳麥抵漕米

乙卯張獻忠入亳州官吏先遁賊安行入城

丙辰故

湯開遠贈太僕少卿

丁巳襄城堅守五晝夜而陷總督汪喬年自刎未殊被執見

殺監軍同知孫知縣謝三元死之李自成恨諸生執百


九十餘人盡剝削之又購張永祺永祺匿時夢黃姓救免之

果一賊出之黃姓也賊屠永祺族人九家以洩其忿又墮城

而去喬年字歲星浙江遂安人天啟壬戌進士官編修崇禎

初歷江西提學副使累至今官變聞贈兵部尚書廕錦衣百

戶時精兵猛將俱集關門止留三邊疲兵以剿賊喬年以赤



心遇害三秦士人私謚曰貞烈公

葉初春為大理右少卿凌義渠為南光祿卿

故 呂黃鐘故山東糧道副使鄧謙並贈光祿卿廕監

戊午 上南郊

已未故詹事錢受益贈禮部右侍郎故 曠鳴鸞贈工

部右侍郎故 吳南灝贈太僕少卿

甲子宋之普為戶部左侍郎徐石麟為刑部右侍郎許士柔

為尚寶少卿

乙丑朱世守為南通政使

丙寅榮昌公主 軒英請賜租 上責有司怠玩

賀一龍陷安徽全椒

三月庚午朔故大學士錢象坤贈太保

李自成羅汝才合群盜八十萬圍河南陳州兵備副使閔永

傑知州侯君擢率士民死守力竭城陷死之鄉紳崔泌之貢

士王受爵咸罵賊死賊怒屠陳州永傑隴西人崇禎辛未進

士贈光祿卿君擢成安人辛酉貢士贈通政右叅議


祁逢吉為應天府尹

邱錦州陣沒戰士每人六金

國權

崇禎十五年

九



刑科左給事中沈胤培言松江知府方岳貢治郡已十二年
真清真執王陞彥以糧事仇詆 皇上或召廷臣合詢岳貢
如有異同臣伏妄言之罪周鼎受任于劉榮嗣罔績之後修
泐河利運自九年來全漕如期乞勅法司公勘 上是之初
岳貢徵上海積逋首緝中書舍人王陞彥結怨適薛國觀贖
敗陞彥供岳貢餽薛七白金遂被逮
前戶部尚書侯恂戶部郎中倪嘉慶戍邊以周延儒清獄恂
賄之萬金

辛未張獻忠復攻安徽舒城

癸酉進張福臻兵部尚書

甲戌賜范志完兵部尚方劍


乙亥諭法司許罪人贖戍備賑

初諭兵部舊制軍在民之前後乃罪犯充之近聞解軍多致
道死非減等生全之意可酌意良法

寇陷六安州官兵嚴拒之

丙子賀一龍左金王馬守應合步騎數萬趨安徽壽州復合
獻忠于六安哀時中亦會之時中旋合于自成

丁丑大學士魏炤乘罷四川道試御史劉之勃糾之旨未下



即奏辨為御史徐殿臣所劾

命孫傳庭總督保定楊文岳總督鳳陽史可法俱聽督師范志完期會協剿

戊寅 上御中左門召考選諸臣四十四人問禦胡寇足兵食之策毋泛言


癸未寇掠江南江陰靖江殺營官陳垓

丁亥松山城陷洪承疇降巡撫遼東右副都御史邱民仰總兵曹變蛟王廷臣副總兵江翥饒勳等俱被執不屈死祖大壽守錦州年餘力竭城亦陷為標下降夷昇降兩城俱沒建

遂克杏山城報至京師大震承疇福建南安人萬歷丙辰進士授刑部主事歷郎中轉浙江提學僉事進山東叅議天啟初進江西按察僉事轉陝西右叅政崇禎己巳加按察使陞右僉都御史巡撫延綏進兵部右侍郎總督三邊兼攝五省右都御史加兵部尚書太子太保己卯改總督薊遼保定辛巳欽命督師

戊子李兆為光祿少卿

兵部請復驛遞有旨裁駟原以恤民乃奉行不善致道梗絆作今詳定郵符及銀還駟解部



已丑存問前禮部尚書黃汝良


庚寅沈惟炳為通政使李一鵬為南大理卿林一桂為右副
都御史巡撫南贛汀漳
辛卯房可壯為左副都御史

李自成陷河南睢州太康遂圍歸德無兵民自為守賊穴城
陷之乘勝陷寧陵考城
已亥諭部院下撫按令司道守令各招貧民給牛種糧食俾
各歸農

庚寅皇子慈炤封永王

定考選諸生朱徽馬嘉植廖國遴楊枝起姜塚倪仁栢顧鉉
方士亮王士鏞翁元益光時亨金汝礪為給事中周燦劉熙
祚阮震中區聯芳蕭鳴美汪宗友嚴雲京劉遠曹溶張銘徐
一檢廖惟羹李成梅李瑞和倫之楷衛周胤沈向寧承勳楊
爾銘成友謙李振聲陸清源金日新為試御史黃沾玄李沾
為南戶禮科給事中王國楠陳良弼米壽圖為南試御史
趙惟岳為光祿卿

壬辰張鏡心為兵部尚書摠督閩薊通津先是張福臻未任
乙未李自成圍河南漳德明日陷之



丙申張福臻抵鎮令張鏡心待議

己亥復高弘圖工部右侍郎

故隨州知州徐世淳贈太僕少卿立祠

四月庚子朔改稱宋儒六子曰先賢位七十子之下漢唐諸儒之上左邱明亦稱先賢命纂六子格言


設遷曰漢儒訓詁雖見道淺而援訂詳確經傳賴以不墜今超宋人而躡之時有先後焉可誣也六子有知必為未安第稱先賢足矣

辛丑張宸極為兵部右侍郎添設出鎮昌平加范志完督師

總督遼東寧錦軍務兼巡撫仍轄山水屯鹽登津水師兵部左侍郎

禮科給事中倪仁禎言臣等初拜官例候閣臣謝陛言及兵餉時事忽曰 皇上惟自用聰明察 為務天下俱壞謝位極人臣敢歸罪天子如此吏科給事中朱徽戶科給事中廖國遴亦如之 上怒下廷議處陞

壬寅舒城陷時無令叅將孔廷訓以兵千人同編修胡守恒率民共守七月廷訓降賊反攻守恒死守賊射書招之燔其書城陷死之獻忠改為得勝州令孔廷訓攻霍山弘光初贈



少詹事謚文節

癸卯黨崇雅為戶部左侍郎添設總督直省糧餉分催充徐
上下兼水陸二運王正志為戶部右侍郎添設總督省直糧
餉分催青淮上下陸運
李繼貞為兵部右侍郎添設張肯堂為大理右寺丞王永吉
為右僉都御史巡撫山東
周延儒議詞臣一員佐兵從之其戶刑工部聽便酌行
進外戚劉岱太傅劉永貞都督僉事承胤都指揮使
南京大理寺火

甲辰免四川貢扇三年

乙巳故

徐燿贈左副都御史


丙午大學士簡籍

設遷曰德州巧宦詎昧三緘之戒資人彈射哉蓋名位已
極藉口直諫去有餘榮二三少年嘵々交喙正墮其術中
耳古人有言智老而猾如德州是也

發三十萬金給閩寧之師

辛亥張忻為太常卿

諭科道官曰朝廷設立言官以為耳目止樂聞讜論俾助政




機若緘默不言不與而無當皆非所望甚有以言為名挾私
逞臆猶聲附和爭勝把持其失職更甚于不言近時事多艱
亟資忠益兼收並納朕意甚殷乃言官不能仰體或薦舉太
濫或糾擿過苛或已經處分追論紛紜或事宜慎重哆口騰
播掣任事之肘啟僥倖之端抗威福之權失獻替之義此于
朕求言圖治之本懷甚為不符昨面傳諭並着頒示憲綱今
特再諭如乖違職守定加處治

禮科都給事中沈胤培言求事功之臣不若先求節義如傅
宗龍已卹而盧象升踰三歲惟蓋未沾汪喬年忠魂莫問事

同典異何以使諸臣不為巧避也楊嗣昌死有餘僂借久案
邀功陳新甲負罪不遑修邊勞錄廢雖恩威出自朝廷乃
議罪則若局外論功則又局中有是理乎又儀制郎中典禮
要寄人多傳舍視之宜定久任課最之規得陞京秩庶精心
討論不徒故事相蒙矣 上是之下部議儀制郎中久任
御史沈向劾監軍兵部郎中張若麒貪功喪師復逃寧遠宜
正其罪報聞

先是李自成復趨開封樞督丁啟睿楊文岳及左良玉虎大
威楊德政集朱仙鎮良玉議鋒銳未可擊會議必擊其說參



差竟全軍大潰寇退四五百里獲馬騾七千勅卒數萬遂圍
開封啟睿文岳奔汝寧

壬子周堪賡為順天府尹

工部尚書劉遵憲進太子太保

癸丑給巡撫山東王永吉二萬金

乙卯右庶子張維机為少詹事兼侍讀學士左贊善閃仲儼

為左庶子編修曹勳為左諭德並兼侍讀左中允吳偉業為

左諭德兼侍講編修馬世奇司業羅大任為左中允兼編修


丙辰王家彥為太僕卿

己未命祭松山陣亡吏卒

庚申故南兵部尚書呂維祺贈太子太保

南兵部尚書余城免

壬戌南御史米壽圖請誅張若麒以謝天下報聞壽圖又上
練兵十害曰今天下練兵奉行三年矣寇至而城輒陷兵增
而餉日糜利賴不聞騷累日甚今不罷害將日深祖制衛所
官軍又有弓兵民壯歲有常食若實清覈教練可無逃潰奸
細之憂此外如保甲人自為守家自為戰本屬良法但在有
司推誠屬精訓練之耳



癸亥諭部諸司凡利民救時裨助政治攻補闕失者彙奏各採行之不得以誕浮泛陳至中外大小諸臣當痛自猛省服官儉爵各有職業何全無匡濟任兵食之交窮忍邊腹之並並終未有確然良畫奮起擔當當非朕之所倚望于諸臣也諭戶兵二部核兵餉銷逋欠確議具奏及各邊興屯不得飾報虛數并鼓勵忠厚信賞必罰

李自成羅汝才攻開封初賊再攻不克多死亡乃圍以困之甲子予故大學士文震孟祭墓

乙丑梁雲構為南右僉都御史提督操江


釋黎玉田罪仍巡撫遼東寧錦玉田先同知半年進昌

平兵備僉事踰月開府

丙寅故 范廷弼贈太僕寺卿

戊辰故 劉廷訓贈國子學錄

建 陷塔山馬紹愉駐塔山候朝命遣諭建 毋攻不聽城垂陷紹愉出建 猶以平衛之城 城中兵民自焚無一降者孫傳庭檄諸將會兵于西安以援勦援搃兵賀人龍開縣譟歸致孤軍失利遇寇先潰致秦督秦撫陣亡因斬之以兵分隸諸將人龍來脂人以諸生討賊有功襄城之役朝廷疑與




賊通密勅殺之賊聞人龍死喜曰閔中已芥拾矣

五月己巳朔中書舍人陳龍正上言剿寇不在兵多期于簡練
殲渠非專將勇藉于善謀而所云撫云宥又更有說曰解散
曰安插解散之法仍屬良將分其原籍別其強弱或使還鄉
或聽墾荒或簡從軍一切便宜安插又不屬良將而屬良有
司有司十百其人亦十百其心術才智不等在巡臺激揚而
變化之今寇禍中州最甚賊初淫殺民猶苦賊而望兵之既
無律賊反以安民為名民喜其至而迎之誠中原之大憂也
議者欲特設重臣收拾河北且屯且練此非正為河北正以

應援河南也又非獨為河南也安則京省俱安震則京省俱
震若漕運若河防種々相関必方略素優乃可授之苟非其
人微第不堪受亦必不肯受也東下侮我制禦之道除督撫
得人最亟外曰畿內擇有兵略者為知府聽便宜辟召從事
曰用我所長我所長在扼險在車營在火器彼所長騎射奔
突耳將在奇謀奇謀在用間今之塘報亦間之一端也 上
是之

甲戌南京提學御史徐之垣入廬州見城守疎虞召北閔副
總兵唐應登入城未入忽小門西門德勝門各火起官兵俱



潰則賀一龍計陷之也徐之垣及副使蔡如蘅知府鄭履祥知縣湯登貴俱遁既失守巡按御史鄭崑奏賊假稱生童接學院而陷蓋卸罪訛傳之語也

乙亥祭酒南居仁致仕

丙子故刑部尚書劉澤清深贈太子太保

夜賀一龍陷無為州

穎州叅將李栩敗左金王于壽州

丁丑諭釋輕囚

戊寅寅馬士英起兵部左侍郎提督鳳陽軍務兼督湖廣安


慶合勘

初周延儒再召故太常少卿阮大鍼等合餽萬金以大鍼逆

案難之故用馬士英

庚辰禮科都給事中沈胤培言謚典自崇禎二年發訪單奄忽至今乞刻期舉行又羅倫謚文毅岳正謚文肅譚綸謚襄敏唐龍謚文襄亦列訪單其謚于冊中正恐遺于冊外在禮部宜精心搜討克期大典

兵部司務朱濟賚勅同郎中馬紹愉往款建下遣迎時乘勝攻寧遠總督范志完總兵吳三桂再戰喝以講款止




師緩攻退舍三十里馬紹愉從養善木至瀋陽喝 郊勞設
享強紹愉謝不為入館供具甚盛喝 弟湯鶯泰及兵部尚
書范文程來云我慙他出留二十日始還旬餘喝 歸湯鶴
泰等備述起兵之由南閩負婚天朝助彼侵我地故有撫順
清河之役又殺慘我乃取遼陽廣寧我猶未嘗忘和屢致
書袁崇煥不報是以入永平遵化又不遠千餘里至張家口
求成于巡撫沈榮俾我候命半載又不報復移書方一藻又
不報乃入密雲攻山東寧遠治兵不已我是以下松錦今誠
和幸甚但薊遼宣大塞外屬夷原撫賞銀一百四十八萬仍
還之使不內犯我獻貂各五千南朝以黃金一萬折幣銀十
萬相酬歲為常紹愉折之再三乃議撫賞交際准百萬分寧
遠東雙樹堡為界海上分長山島為界互市于連山建土唯
唯且去約九月不至則治兵
辛巳故山東左布政使劉斌張秉文贈太常卿故山東濟南
道副使周之訓贈光祿卿故山東歷城知縣韓承宣贈光祿
少卿各廕監

萬曰吉以悞漕削籍

癸未李自成陷開平州亳州

國權

崇禎十五年



甲申吏部請補建言遷謫諸臣給事中姚思孝何楷李化龍
陰濶李清莊鰲獻王之晉張焜芳李希沅劉涓王文企御張
作楫御史李模李曰輔周一敬林蘭友李右讜

先是大學士周延儒陳演請補閣員下吏部尚書李日宣謂
故事廷推重詹翰銓選之長附之年來中外無用命文選郎
中盧化鰲會吏科都給事中張正宸河南道御史張煊擬八
人稍增至十三人禮部右侍郎蔣德璟詹事黃景昉尚寶司
卿姜曰廣禮部右侍郎王錫衮祭酒倪元璐少詹事楊汝成
右諭德楊觀光禮部右侍郎李紹賢刑部尚書鄭三俊吏部

左侍郎劉宗周兵部右侍郎吳甦刑部右侍郎惠世揚左都
御史王道直


禮科給事中戴明說請補謚左副都御史左光斗故大學士
文震孟不許

誅陣逃摠兵王朴

戊子孫從度為祭酒孫晉為大理左少卿

復松江知府方岳貢任

都察院考試御史分三等上實授次仍試用御史止一差候
覆考次調用為李友梅廖惟義等故有此命



禮部右侍郎王錫衮請還真人張應京等不允

庚寅西城浚井得鳳陽中衛千戶所百戶所印命詰失之故

丁酉賀一龍復至廬州劫府印

建_下西_下各運茶鹽布等歸巢

癸巳左金王令馬守應賀一龍趨潁州以報壽州之役也李

栩偵知之伏步兵于城東南二十里栩以騎兵迎游擊戰于

城南蔣家店伏兵繞其後大敗之斬千餘級

六月己亥命吏部再推閣臣尚書李日宣叅往嘗推至三二十

人因廣及之禮部尚書林欲楫少詹事謝德溥並詹事邱瑜

南祭酒王廷垣左庶子閔仲儼刑部右侍郎徐石麒左副都

御史房可壯工部右侍郎宋政通政使沈惟炳大理卿張三

謨吏部尚書李日宣初未列名 上問閣臣此故事何外之

也故今列上


庚子禮部以禮科都給事中沈胤培請廣科額遂加應天諸

生解額十人監生解額五人順天諸生七人監生八人湖廣

江西浙江各十人山東河南山西四川各八人廣東六人廣

西雲貴各二人


賀一龍左金王復入六安英霍山中依林樾度夏秋爽復出



以為常安廬州縣殘破者半官吏咸攜印幟舟治事城中荆
塞斷烟

辛丑馬紹愉發潘陽至寧遠報以副書上本兵 上問周延
儒至再終不對 上慨然起時言路方攻本兵故延儒緘口
不敢與異同又以脫後罪也已言者乃六堂 天朝何至講
款以重本兵罪 上始移尚矣或云紹愉至塔山高臺宴建
卜使者議不及開市問之曰待吾主命也老慈至義州責諸
臣私通欲殺使者紹愉走免蓋我舊將孔有德沮之糧芻至
仍進兵

設遷曰款議約百萬此紹愉飾說也夫舊賞百四十萬僅
百萬受成則何諱之有即 先帝亦降心以相從矣其後
徐冢宰若麒辨馬紹愉故事我邊臣椎牛釀酒張筵席十
六燕彼使彼之酋長遣紀綱一美少年一麗眉皓首之老
來會絕不語及開市事問之則云待老慈命及慈至義州
首詰諸酋長私與中國通擬殺我使人譯事者為之祈請
叩頭乞哀馬紹愉等抱頭逃竄尚未見慈面而今反飾云
親到潘陽不几夢中囈語耶噫款議于國事甚重而使臣
畏罪欺罔故存其說不得不駁正之



壬寅呂大器為兵部右侍郎添設

發帑金五萬戶部金十萬及銀牌布幣犒左良玉軍

癸卯宋繼登為南鴻臚寺卿

乙巳陳士奇為右僉都御史巡撫四川

白貽清為戶部左侍郎張伯鯨仍右侍郎回部劉餘祐為兵

部左侍郎馮元颺補右侍郎李嵩為太僕少卿轄西路

丙午傅孫庭請練兵二萬得旨原議練兵五千可以破賊何

取盈二萬且百萬之餉安能接濟但得餉一月便宜卷甲出

關共圖殲蕩不得過執取咎

戊申大學士賀逢聖致仕

召會推閣員諸臣入對賜饌畢傳免次日趣會推內未至者

陞見時林欲揖使還趣之入

故總督洪承疇舍人陳應安等奏去年八月戰潰家生坐困


乏食殺馬飼去忍飢苦守及逆將夏成德開門獻城家主被

執罵賊不屈惟西向叩頭稱天王聖明臣力已竭死之從來

就義之正未有如臣家主也

設遷曰松山敗沒洪總督之絕命未聞中外無不曰洪氏

惜費志以死雖三尺孺子信其為張許也及蒼頭奏上果



不負所望當世勞臣強敏敢任孰知洪氏第廷濟大略非其所長則才識限之矣語曰闔棺事始定天以完節付洪氏恤典特優天子望祭揮涕嗚呼可不謂振古豪傑乎哉張春陷建寧終不詘膝朝廷反竄削之洪氏改面事仇向非甲申南入則誰或知其非張許也蒼素變于意外人不可料如此宋王繼忠陷契丹史無貶詞蓋款事之效也洪氏有鑒于張春隻字不通中國善于自全其甘于為李陵者耶

已酉入上稍不愈

庚戌江南崇明盜平兵備道程响散其黨二千餘人籍其兵四百四十人


辛亥免開封河南歸德汝州去年田租

癸丑大學士張四知致仕

翰林待詔林智志仍編修

諭各省直停刑三年

乙卯赦侯恂仍兵部右侍郎提督平前等鎮援剿兵餉改莊祖誨戶部左侍郎提督省直剿寇糧餉林日瑞為右副都御史巡撫甘肅



故提督薊遼尚書洪承疇贈少保廕中書舍人故巡撫遼東
邱民仰贈左都御史廕監並予祭葬


丙辰考選官蘇京王漢王燮召對明爽俱試用御史

丁巳召枚卜諸臣禮部尚書林欲楫等于中極殿至則賜饌
上先御觀德殿試炮時賀逢聖致仕特召宴別異數也俄傳
兵部尚書陳新甲吏部尚書李日宣左都御史王道直等入
上曰昨兵部擬王漢蘇京王燮三御史出監河南軍令部院
即議上又曰昨御史梁士濟奏遵化巡撫王文清病可速易
李日宣承旨上問誰可易者對大名道魏公韓上曰文

清病卿何以推對曰推時未病前監軍三協人地相習也王
道直曰洪承疇向稱文清為邊道第一上命題三御史監
軍因御中極殿召枚卜諸臣

戊午禮部右侍郎蔣德璟詹事黃景昉兵部右侍郎吳甦並
為禮部尚書兼東閣大學士且責吏部會推大典當矢公矢
慎勿濫勿遺今乃稱許徇情如房可壯張三謨宋政是否堪
任令回奏

前大學士張至發卒字聖鵠淄川人萬曆辛丑進士官知縣
擢御史歷禮部左侍郎兼東閣大學士進尚書加太子太保



改文淵閣大學士致仕首輔崇禎己卯存問辛巳二月召起
辭允卒予祭塋

廣東道御史王漢監軍楚蜀江西道御史蘇京監軍陝西河
南道御史王燮監軍鄖陽懷慶

甲子命吏部右侍郎雷躍龍用改王錫衮吏部左侍郎仍筦
右侍郎署部事楊衮力辭上厲色曰朕久知卿清正大有
才品今日亦規避耶衮始受命


諭部院甄別各督撫除毋借題卸代限十日

命祭洪承疇九壇故巡撫邱民仰故提兵曹變蛟王廷臣各

祭
六壇予祭謚合塋京師諭近日死事文武大臣立壇朕親致

祭
丙寅金蘭為太常少卿

丁卯吏部彙奏知兵諸臣李繼貞史可法孫傳庭范志完黎
玉田馬士英馮元颺王永吉守制李邦華藩臬金之俊魏公
韓陳士英徐標郭景昌罪廢待起張鳳翔范景文趙光忭余
應桂王鰲永馮師孔有旨李邦華服闕即用金之俊等遇闕
用張鳳翔等赦罪復冠帶革任則還職俱令入朝見
戊辰姜瓖為征西將軍署都督僉事提兵官鎮守大同




李日宣等上章請罪

吏科給事中朱徽言四事守令宜久任而減俸之行取過濫
考選宜精嚴而越職之陳請太紛要地宜急銓除而郡邑之
起廢當核人才須儲養而師儒之選授宜隆

巡撫山東王永吉奏漕糧橫斂皆收役為之崇也奸民以收
役為利藪愚民以收役為陷穽欲除漕害非革收役不可然
收役作弊非弊源也弊源則各衙門提差也有一衙門則有
几十番差遣有一番差遣則有几百家擾害提差取足于收
役收役取足于細民雖欲不倍收不可得也欲除漕害必革
收役欲清弊源必革提差既革收役漕米何人催徵臣則有
官收里催之法既革提差何時完兌臣則有分限認完之法
上是之

御史吳履中言 皇上之失有二曰大奸之罪狀未彰而身
為受過圖治之綱領未挈而用志多分何以言之臨御之初
天下猶未大壞特用溫體仁託嚴正之義行媚嫉之私使朝
朝廷不得任人以治事釀成禍源體仁之罪也專任楊嗣昌
恃款撫加練餉致民怨天怒災旱盜賊結成大亂之勢楊嗣
昌之罪也 皇上信任二人二人恃其信任售其奸欺不知



如何忠愛如何匪躬以自結于，皇上迨深信不疑然後得
為所欲為無不如意有執以罪彼、不任受曰 皇上為之
皇上亦曰彼實未嘗專擅也乃益深信不疑 皇上為二奸
所誤而反代二奸受過也誠暴其暴罪于天下使知為二奸
所誤未嘗自有闕失亦收拾人心之大机也至于圖治自有
綱領聖人撫世酬物因時制宜如今日內治闕而後戎馬生
民生促而後寇盜起向者 送于外而政治愈禁寇起于內
而賦斂愈急是以生亂近始返其所為省躬勵翼蠲租解網
亂源已塞急宜求治兵之人真能禦下者任邊郵真能剿寇

者辨內地先了此兩大事而治功可次第舉矣

七月己巳朔諭通政司急務即註特封進

庚午河南道御史張肯堂劾南吏部尚書徐國鼎勒致仕

刑部擬李日宣等貢舉非其人律擬杖


辛未叙山東剿逆功進周延儒少師中極殿大學士廕中書

舍人陳演太子少保戶部尚書武英殿大學士

免浙江長興通租

壬申都察院考定御史潘世奇劉熙祚徐殿臣劉遠楊爾銘

李振聲曹溶徐一掄成友謙李瑞和沈向衛周胤倫之楷汪



宗友余日新陸清源一等准實授阮振中寧承勳次之候覆
考蕭鳴區聯芳張法廖惟義李友梅萬任又次之別用南美
京御史米壽圖王孫蕃一等王國楠張希憲次之王耀時又
次之廖惟義許奏左都御史王道直去留任意南京御史張
希憲亦以為言各削籍

甲戌外戚田弘遇子敦吉授錦衣衛指揮使

賀一龍毀廬州城執叅將覃世勳

乙亥李日宣章正宸張煊戍邊房可壯宋玫張三謨削籍且
責刑部翫法狗縱回奏于是日宣戍重慶正宸戍湖廣煊戍

陝西初陳演所親廖惟一試御史才庸甚及考職託左副都
御史房可壯為之地不納張煊又加屬焉惟一得調演憾之
遣上游西苑召周延儒陳演延儒告足疾演入舟中云枚
卜皆二人主持故濫上怒甚欲繫謫日宣詞氣不撓始稍
霽


丙子暫停河南鄉試

戊寅故

楊觀光贈南工部右侍郎故

劉

夢桂贈右副都御史故錦衣都指揮周甘雨贈都督僉事
辛巳沈維炳為工部右侍郎




司禮太監齊本正提督東廠王承恩提督勇衛營

命總兵許定國渡河援開封李自成圍開封日久先是西攻未破士卒怯憊一日逃數千自成遂申約但圍不攻朝命孫傳庭以秦師出右侯恂以晉師出左互援

兵部言駙傅事宜命各撫按酌之

戶部尚書傅永淳言屯田八事曰軍屯夫軍買官屯民占官軍地棄業相傳不必問矣但就冊報徵解即以折色改徵本色曰民屯凡荒閒可耕之地出示召募軍民商賈願捐貲開墾者給帖為永業其願耕無力者照佃法給貲秋成償而不

息待二年後起科祖制每畝三升用七合斛用七斗曰兵屯有事用兵以戰無事用兵以耕宜以七分城守三分屯田曰商屯依墾田多寡頒給職銜二百畝以上給冠帶三百畝以上散官秩四百畝以上秩視百戶五百畝以上視千戶千畝以上視指揮僉事曰水屯招募南人習水利者度其原隰使地無曠土水無遺利三年後起科曰陸屯擇不毛之地樹以桑棗雜植榆柳諸木隨其所便給帖永不起科曰罪廢開屯能墾千畝准開成墾五百畝准雜流墾三百畝准配仍給冠帶俱認地三年而止照例察叙曰設官特遣大臣專理



屯務設屯官分理寬以吏議遲以歲月俾便且行事疏入
上是之

壬午兵部左侍郎劉餘祐協理京營

故 平之賓贈國子學錄

河南彰德知府萬里為舍人所弑

癸未楊汝成為詹事韓四維為司業

貴皇妃田氏薨輟朝三日妃父田弘遇嘗任千總妻吳氏倡

也養妃為女能書最机警居承乾宮丁丑早 上宿齋武英

殿半月俄欲還宮妃遣人辭曰政妾誕日不宜還也庚辰辛

巳間太監曹化淳買江南歌姬數人甚得嬖累月不妃見妃

疏諫 上報曰數月不見妃卿學問大進鼓舞一事 祖宗

朝皆有之非自朕始也及薨恤禮加等

甲申吏部左侍郎王錫衮加服俸一級錫衮前諷 上事佛


寓規于愛云

乙酉諭吏部曰近來有司不脩守備賊至輒陷原與衝鋒陣

亡及持久力詘者不同若驟贈廕何以獎諭勸忠勞今後詳

加分別除異常義烈卹典取自上裁其失事隕身有司六七

贈監司五品其五品贈監司四品方面官贈京秩著為令



郝晉為順天府丞

庚寅故總督楊繩武贈兵部尚書命設上江五郡糧道

辛卯刑科給事中翁元益論巡撫安慶鄭二陽總督鳳陽高
光斗疎防玩寇命俱逮之

江山盜平

甲午戶部以流寇充斥輸輓可慮請就海運 上謂海運從
權非經久許不許

刑部左侍郎惠世揚罷右侍郎徐石麒鑄二級御史徐殿臣
言世揚以李日宣等議事而去須略其髦過始終曲宥即不

然調南京或准原銜休致以全聖明求舊之意不聽

乙未停鄉試副榜准貢


丙申刑部尚書鄭三俊改吏部

丁酉兵部尚書陳新甲下獄

詹事楊汝成署翰林院事閔仲儼為少詹事兼侍讀學士邱
瑜為禮部右侍郎

八月戊戌朔祭太社太稷

御史劉熙祚言故庶吉士張溥力學砥行著述甚多命進其
本刊本寫本俱彙上



己亥李若星為右僉都御史仍任提督王都為太常少卿
南刑部尚書劉廣生罷

薛敏忠為都督僉事提兵官鎮守薊鎮兼馬松喜大四路

庚子故 鄭茂華贈兵部右侍郎故 李有

功贈太子少保

仍優免諸生

癸卯吳麟徵為吏科都給事中

己酉禮科都給事中沈胤培復請行謚典命禮部議上在乙巳下

乙巳刑部右侍郎徐石麟請獄鑰繳部堂稽驗出入從之

丁未諭禮部以祧廟贈后三歲不祭見廟繼后三忌辰不祭

欲以本恩殿改建二殿供祧廟帝后禮科都給事中沈胤培

言禮有萬世之經有一時之權經者太廟一帝一后奉先殿

亦一帝一后是也權者別殿之專享奉先之列祔是也溯自


神祖來繼后贈后皆以祔享為成例今欲建祧殿二而又不

在奉先殿之後將以奉先祧殿名乎抑以何名乎在 聖母

可極尊榮而不必同于 列后在 列后宜俾孝享而未免

抑于 祖宗如魯立武宮煬宮春秋皆大書特書見其毀已

久不宜立而輒立焉非即遠有終之義哀公三年書桓宮僖




宮災桓僖親盡矣宮何以存志其災以咎其復也今祧廟三后但不得祭于太廟奉先殿而陵祭遣官煮蒿之感原未嘗不伸必欲追罔極而事如存則立別殿專事 聖母揆之闕宮之文奉慈之建猶為合禮并忌日設祭服青似宜分別久近稍避 祖宗

庚戌御史王漢巡按河南仍監軍接運監劄御史王燮監軍陽朔鼓厲援汴嚴雲京召還初雲京知平原通逆存誠叙功以尚書李日宣枋榆預考選巡按河南前大學士謝陞發其奸并及李日宣故調雲京降用其餘不問

安慶兵變燹都指揮徐良憲先是副總兵廖應登領兵三千人 汪正國李自春各領千人素騷擾賈怨巡撫徐世蔭新至民休兵日爾將誅矣時刑科給事中光時亨疏論應登宜申司馬法郎抄先傳遂難作世蔭亟自南京諭悍卒斬七人徒應登兵于太湖縣正國兵于桐城縣 誅逆將楊德政

刑科給事中左懋第言楊德政正法密緘駕帖還錦衣衛 臣次又奉御筆發科臣又密緘藏垣中凡係密封皆不發抄若不請明誰敢宣布而臣思此本密封恐机一洩罪帥或自引



裁今其人已誅正當明正其罪如此可聞可見之事而反閉天下之耳目哉臣因思各垣之密封似此者多有必當密有不必密有可密于事先不必密于事後有當密于今日不必密于明日如制胡剿寇事關兵勢何可不密也如胡犯何邊寇擾某地動靜之情勝敗之事何必密也况邸報之抄傳有定道路之訛言無端何可密也胡已遁寇已平仍當使群臣共知其策此可密于事先而不必密于事後者也罪人獲矣必布其所逮之由正法矣必布其所誅之故此當密于今日而不必密于明日者也乞勅下六垣并詳察施行從之

總兵牛成虎罷率家丁四百人自劾

辛亥馬守應賀一龍左金王連營光山羅山一軍掠信陽一

軍犯麻城仍與張獻忠合軍游擊趙崇新撫賊袁時中于夏

邑被殺時中復佯就撫突入蕭縣執知縣以去


壬子停宗室換授

張獻忠陷六安州

癸丑范景文改刑部尚書胡應台為南工部尚書劉宗周為

左都御史

新樂侯劉文炳少師禮部尚書林欲楫太子少保以闔陵也



故兵部左侍郎劉之綸贈尚書

甲寅諭邊畿各督撫即檄有司令民收穫入城遠則移駐大村毋藉寇

諭戶部曰朕頃集廷議加意興屯念明春布種急需子粒事屬創始不忍重累民間今京省河北歲稔可及時收糴預備特發御前銀十萬分買嘉穀收貯報完俟專收有司就近支動歲豐既可平糴穀賤不至傷農公私兼濟莫善于此

戊午何瑞徵為少詹事

起陳子壯禮部右侍郎給事中姜埰劾子壯不宜用從之

已未加范志完總理薊遼軍務兼制昌通保登天津兵部左侍郎

王定為征西將軍左都督提兵官鎮守延綏


庚申趙維岳為通政使潘永圖為右僉都御史整飭薊州邊

備巡撫順天

癸亥蠲山東濟南兗州東昌濮州通租

工部尚書周堪廢罷

乙丑赦黃道周復任少詹事時周延儒承上眷顧最深凡上怒莫能挽回延儒能設言微中先是道周在獄人云必不



可救延儒以微詞挽之得減放至是 上偶言及岳飛事嘆曰安得將如岳飛者而用之延儒曰岳將自是名將然其破女直事或多虛張即如黃道周之為人史冊不免曰其不用也天下惜之 上默然甫還宮輒傳旨復官

丙寅張若麒下論獄死

前大學士施鳳來卒字羽王浙江平湖人萬歷丁未進士授編修轉南司業右中允天啟中進左諭德歷少詹事禮部右侍郎進尚書兼東閣大學士進少師吏部尚書中極殿大學士歷首輔依違逆璫 上登極心薄之引去名隸黨籍


丁卯余文燬為大理右寺丞

巡撫福建蕭奕輔罷

刑科右給事中陳啟新匿喪被劾下撫按訊之尋遁

總督丁啟睿屢潰迓失勅印逮下獄總督楊文岳以朱仙鎮之敗亦免

開封圍久食乏人相食周王先後捐金一百二十餘萬復捐歲祿以養兵宮人咸有飢色總兵劉澤清以朱家寨距城八里提五千兵渡河依河為營列水環之達于大隄築通道以運糧則救援可濟遂先後立營寇攻三日夜諸兵不至遂引



去先是開封北十里枕黃河巡撫高名銜推官黃澍等議築
鑿渠通運且引河水環濠以自固更潰隄灌賊立見其道也
渠遂成

李自成陷歸德殺推官王世瑋世瑋字崑良直隸清苑人崇
禎丁丑進士時秩滿擢工部主事未行角賊被殺又貢士徐
作霖死之弘光時贈禮部主事作霖庚午鄉試第一

九月戊辰朔設屯官

壬申葛徵奇為光祿卿李世祺為太僕少卿轄京營

癸酉顧錫疇為南禮部右侍郎雷躍龍改南吏部右侍郎倪

元璐為兵部右侍郎


陳必謙為工部右侍郎張瑋為左副都御史張鳳翽為右僉
都御史巡撫江西黃配為右僉都御史協理勦寇巡撫安慶
提督軍務

寇焚樅陽鎮奪舟數百恣掠財物而去

甲戌備十五騎于西華門候急傳

乙亥故左都督蕭如薰贈太子太保

戶科給事中楊枝起言開荒事宜 上命以中書舍人陳龍
正墾荒地議故給事中徐貞明水道攷治水疏進覽



丙子復趙士春編修

丁丑故 部尚書蔡思充贈太子少保故

王心學

贈河南按察副使各廕監

戊寅榮府富城王常滋等言仁和王由梧慘殺四王^狀下禮部

已卯金光宸為左僉都御史李遇知改南吏部尚書

金之俊為右僉都御史總理京東山永天津宣大屯務

辛巳張國維為兵部尚書

故祭酒南居仁贈禮部右侍郎廕監

禮科給事中宋之普削籍下刑部初蒞時之普父鳴梧任左

僉都御史不引避

復劉同升脩撰

壬午夜河決開封之朱家寨溢城北

戊子採良家女充九嬪刑科給事中光時亨請緩之俟寇平

舉行

已丑署刑部事徐石麒言罪樞陳新甲奏辨一曰有例再曰

有例不知親藩繫寄寇刃百姓駢畔腥原城邑疊見邱墟兵


士惟聞逃潰此中樞所未有之罪也春秋之義人臣無境外

之交今專擅議款未聞奏請鼓師頻遣張若麒以掣任事之

國權

崇禎十五年

四十




附啖石鳳臺以露挾疑之端今日百口將誰欺乎 上令覆
擬石麒麟立奏上明日誅陳新甲初周延儒入其賄營解甚力
而奏國法大司馬兵不臨城不斬 上曰他邊疆即勿論倭
辱我親藩七馬不甚于薄城乎延儒語塞新甲四川 人
萬歷壬子貢士

設遷曰陳司馬甚辨有口頗諳疆事羽書狎至裁答如流
案無留牘後人慕之其禍兆于主款時天子亦心動不欲
外著宜興預其謀而又避之聽至尊自為計事成則分其
功敗則委之司馬司馬無識所遣張若麒輩徵倖一擲盡
撤藩籬昔丁汝夔以怵分宜敗陳司馬以媚宜興亦敗大
大臣不深為社稷慮惟私旨是徇鮮有不覆者况捨攘危
急之秋哉

庚寅白貽清為戶部尚書總督倉場黃希憲為工部右侍郎
總督河道

命仍選庶吉士

浙江海道副使前兵部郎中盧若騰奏臣八月抵臨清見內
臣田國興聯舟二十四艘役九百人擾駟阻閘 上命司禮
監覈其郵符餘



辛卯南戶部右侍郎熊奮渭免

復南京太常光祿寺少卿闕

先是前侍講徐時泰太僕卿潘雲翼上章自理戶科給事中
廖國遴劾其以逆案思逞命遂回

開封大水至灌城先十日周王恭枋及諸王走磁州以巡按
御史王漢舟迎之也巡撫高名衡等俱北渡文武吏卒各奔
避士民僅存者百不一二全城俱淤賊所屯城地高獨全蓋
黃河秋時嘗漲開封推官黃澍鑿渠導之忽橫溢淪溺數十
萬人無不切齒者水大半入渦入泗入淮與故河分流邳亳


皆災前太常少卿梁克從全家溺死克從萬歷戊戌進士
都督僉事黃得功敗流賊于潛山之小市

乙未 上召對應辟諸臣張鳳翔等問以兵事鳳翔但陳水
陸艱狀以諉飾下吏部詰所薦者疏上有黥枝已窮等語周
延儒擬旨切責之單言耳創尋補官

丙申黃應選為都督僉事摠兵官鎮守臨洮

十月戊戌朔摠督漕運史可法言海運在得人不在增設官屬
上設之

左營副摠兵廖應登見史可法于廬州回至舒城遇寇被執



己亥張獻忠攻襄陽左良玉即夜乘舟去撫治鄖陽王永祚
監軍僉事熊飛俱遁

辛丑巡按湖廣御史汪承詔奏賊由四川出犯 上責沿途
守臣何不防禦

壬寅錦衣衛都督僉事駱養性進都督同知

甲辰命纂脩歷法楊國法所作火龍車炮矢等待九日試于
觀德殿

丙午劉良佐敗張獻忠于安慶得馬五千救回難民萬人
戊申惠王出奔巡撫偏沅陳睿謨以護藩行

寇攻桐城

庚子賜貧民米布

壬子張肯堂為右僉都御史巡撫福建


甲申王聚奎為光祿少卿

寇攻安慶先作益客泊河下陷之

乙卯徐石麒言清獄請各撫按官造冊呈覽從之

丙辰刑部覆刑科右給事中左懋第疏德政等重案後結

皆即請旨發抄惟是塘報一事寔有可商南北多故人心易
搖秘不抄傳似無再計第往僅一有朝廷未知紳士未知而匹




夫匹婦先知之發千里之外而秘一堂之上勢必不能徒資
狡僞欺飾之籍生通國風影之疑耳不密不可密之不能且
柰之何傳曰明民而民愚斟酌權寔以神其用尚費丙夜之
前籌也

丁巳范景文改工部尚書曾纓為南工部右侍郎鄭瑄為右
僉都御史巡撫應天錢天錫為右僉都御史巡撫密雲
戊子誅司禮太監劉元斌先是元斌監軍盜恣焚掠及論辟
未得旨即奏辨南京御史王孫蕃泄漏密旨 上怒并誅王
裕民或曰此王德化駱養性史通政府為之也

乙未故大學士何如寵贈太保

辛酉浙江左布政使李佺臺為南鴻臚寺卿

壬戌諭禮部同翰詹等官再議祀典禮部言祧殿不宜創建
欲立奉親殿奉安御容 先帝貞皇后居中孝和左之 聖
母右之薦享如議太常卿張忻請奉先殿後奉三后大祫補
一祭禮科都給事中沈胤培言 貞皇帝后太廟有時享奉
先有常儀復立奉親殿止論于宗廟有豐禰之嫌且 帝后
皆以合享 祖宗為尊至降從別殿恐 先帝聖母之心不
安臣愚莫若脩復 孝宗奉慈殿為安奉慈之建本為 孝



肅孝穆而設 世宗以 孝惠祔焉正今日祧廟之三后也

一整飭奉安而大禮備矣

駙馬都尉鞏永圖請舉 建文君謚號下部科議不果行

乙丑常延齡嗣懷遠侯

增明年會試額六十人

丙寅漕欠自崇禎八年以上准免其九追十之一其十二年

半追

李自成羅汝才復陷南陽屠之合兵攻汝寧孫傳庭以兵敗
上書自劾圖功自贖

十一月丁卯朔故大學士文震孟加禮部尚書故少詹事姚希

孟贈禮部右侍郎各廕監

故巡撫寧夏焦馨贈工部右侍郎

永城故總兵劉超叛超由武科歷貴州總兵官家居所收家

丁故群盜也同里故御史魏景琦蒼頭與家人爭蔬而鬪超

見景琦謝過語次家丁抽刃殺景琦屠其全家勢不自制并

殺貢士喬明楷據城反


戊辰召開封府推官黃澍：利口諉鑿渠事李自成也授江

西道御史

國權

崇禎十五年

四



諭河南撫按賑濟飢難民

己巳命提督河道黃希憲治河塞決口

張登科為鎮朔將軍署都督僉事提兵官鎮守宣府盧天福

仍提兵官鎮守山海關

中書舍人陳龍正上懇荒議及先臣徐貞明水道攷治水疏

命付金之後酌之

庚午發十萬金命黃澍往河南賑宗室兵民澍侵二萬七千

餘金甲申三月潞王南奔是銀為提兵下從善寄衛輝庫中

得之蓋知府文運衡與城守都司劉相許發其事

科給事中陳燕貽劾黃澍決水灌城之失不聽

左都御史劉宗周言六事曰建道揆貞法守崇國體清伏奸

懲官邪飭吏治 上是之

建下大舉入犯分入墻子路界嶺青山

辛未巡撫河南高名衡免

壬申袁繼咸為右僉都御史提理河北山西陝西河務

癸酉建下陷遷安三路河犯平谷知縣周攀第先伏河岸炮却


之時分道一趨通州一自柳樹澗趨天津

甲戌建下屯永平之臺頭

國權

崇禎十五年

異



諭九卿科道舉堪督師大將者于是吏部尚書鄭三俊舉南
右都御史李邦華左都御史劉宗周自代少詹事黃道周備
幃幄總督漕運史可法巡撫天津四川馮元颺陳士奇俱堪
督師餘舉有差

金之俊為右僉都御史出鎮昌平吳家周為尚寶司卿

丙子徐石麒為刑部尚書趙元忭為兵部右侍郎總督閔薊
通津王漢為右僉都御史巡撫河南毛士龍為太寺少卿轄
東路

寧武搃兵許定國下獄論死前以千人援河南兵潰道掠也


寧武兵善譁調河南又補一搃兵或曰是導之逃縱也

兵部尚書張國維抵任時左侍郎馮元颺引疾右侍郎劉餘
祐被劾時建下薄薊州。

丁丑王鰲永為右僉都御史出鎮通州

諭京堂科道上措餉城守事宜報時建下六萬攻寧遠進界
嶺口六萬攻山海關進青山口又五萬進薊州皆虛報也是
止二萬入墻子嶺。

戊寅命運通州倉粟俾京營各衛閔支惠安伯張慶臻運炭
西山給趙光忭四萬金太監王承恩提督城守



張獻忠圍桐城知縣張利民力拒之

已卯兵部覈各省直勤王兵入援

建下 陷薊州

庚辰募運張家灣各關囤米一石入京者給四斗餘倍之聽營軍家人代運

壬午建下 盡入內地分往真定河間香河

癸未召考選官面問兵食即註官時敏李永茂傳振鐸龔鼎

李曹良直周而淳俱兵科給事中立往真定順德廣平大名

刑科給事河間料理部綱中陳燕翼彭瑄工科給事中初固始知縣時敏轉

禮科部主事因禮部儀制主事吳昌時賂周延儒自奏固始

禦寇求考選得首對 上面註御史敏出語人曰安能以獸

補向人乎是夕周延儒揭入改給事中

甲申發帑金十萬資餉


周延儒薦前大學士王應熊延儒知外漸有異議故以自代

蓋資其辣手為援也 上從之命召入

姜瑄為署都督僉事提兵官鎮守保定

襄城伯李國楨選練官舍

李自成袁時中陷襄陽左良玉斂兵東下



丁亥令薊鎮東西兩協唐通等合兵策應薊州。

命山東總兵官劉澤清入援太監盧九德防護鳳泗

戊子特給營軍胖衣

張獻忠陷安徽無為州

庚寅吏部尚書鄭三俊言江南海州知州周諫貪虐山東提

學副使錢啟忠通賄各削籍下臺訊

癸巳起張鳳翔兵部左侍郎張伯鯨改右侍郎並添設

兵部主事馬紹愉除名

甲午沈惟炳改吏部左侍郎郭景昌右僉都御史巡撫湖廣

姜曰廣為南詹事府吳太冲為南右春坊右中允兼編修

山東曹縣鄉宦婦產兒兩頭頂上有眼角手過膝

閏十一月丁酉朔張忻為 部右侍郎

庚子發帑金二十萬市粟


辛丑故

盛以恒贈河南按察副使故

商學

志贈河南布政使右叅議

詔曰比者災害頻仍干戈不息興思禍變宵旰靡寧皆朕不
德之所致也罪在朕躬勿敢自寬自今日為始朕敬于宮中
默告上帝脩省戴罪視事務期殲胡平寇以贖罪戾惟 二



祖舊制今每日朝畢勲戚文武諸司等奏事者赴弘政門報名候召

提督保定侯恂巡撫保定楊進免罷提督不設山東兵備僉事邱祖德為右僉都御史巡撫山東徐淮河道叅議徐標為右僉都御史巡撫保定

壬寅建下攻河間明日分向臨清
甲辰建下陷霸州兵備僉事趙輝霸州同知丁師義死之輝字令質崇禎甲戌進士後贈光祿卿師義字象先選貢生後贈山東右叅議又霸州人前江南常鎮道叅政李時堯預城

守被執不屈死後贈太常卿

乙巳建下陷文安

丙午建下自青縣趨長蘆


戊申建下陷臨清兵備道 提兵劉源清俱自縊殺戶

部郎中陳興言知州 同知路如瀛判官徐應芳吏目陳

翔龍及前提督宣大張宗衡太常少卿張振秀 邢太

吉前山西臨汾知縣尹任


己酉李自成合諸賊圍汝寧監軍孔貞會以川兵屯城東楊文岳以保定兵屯城西賊攻一日夜川兵潰保定兵亦敗



庚戌賊戴扉環攻雲梯百道並登執總督楊文岳及兵備僉
事王世琮文岳世琮罵賊大炮擊之糜骨以死文岳四川
南充人萬歷己未進士世琮 達州人天啟甲子貢士初
授河南推官屢却賊射矢貫耳不動號王鉄耳賊屠士民數
萬燔邸舍無遺掠崇王由橫及世子諸王妃嬪以行
左都御史劉宗周以太僕少卿武英殿中書舍人王育民為
戶部員外郎孫順通賂因自劾命下育民順刑部獄
建下 陷阜城殺知縣呂大成
壬子建下 陷景州

甲寅建下 陷河間叅議趙珽知府顏胤紹知縣陳三接死之
珽字秉圭浙江慈谿人崇禎戊辰進士胤紹字永胤山東曲阜
人復聖六十五代孫崇禎戊辰進士三接字君禮山 文
水人崇禎庚辰進士
戊午建下 攻東昌總兵劉澤清拒卻之遂西攻冠縣

庚申倪思輝為南戶部右侍郎總督糧儲朱統鈔為南祭酒
禮科給事中姜埰下鎮撫司獄先是 上戒諭言官又時有
匿名書二十四氣之說隱詆朝士埰言 皇上脩省罪已又
致誠言官豈有厭薄之心哉惟視言官獨重故望之獨切言



官中豈無忠直如賈生流涕者或持論太息急無當聖心此
言官之過也聖諭云代人規卸為人出脫安敢謂盡無其事
臣獨展轉而不得其故 皇上何所然而云然乎或于章奏
知之抑偶為懸揣也如二十四氣蜚語騰播必大奸巨慝惡
言官而思中之謂不重其罪不能激 皇上之怒藉言官之
口後將爭效寒蟬壅閉天聽誰為 皇上言之哉 上大怒
盖有挑激之也

蔣振長李陳玉趙嬰魏瑄黃耳昂劉憲章任天成裴希度傅
景星李挺鄭楚勛熊世懿楊若橋吳文英李植何綸喻志虞
為試御史羅萬象為南戶科給事中孫鳳毛朱國昌周元泰
為南試御史

庚申提督范志完兵至河間又淫掠

亥刻拱極城刀仗有火光二寸許


辛酉建 自臨清分五道本部趨東昌孔有德趨莘縣巢丕

昌趨館陶祖洪基趨高唐

壬戌建 犯寶豐


癸亥建 犯張秋其西路至大名不攻

甲子召廷臣于中左門問禦胡及用督撫左都御史劉宗周



曰使貪使詐此最悞事督撫須極廉一介不取上曰亦須
論才宗周退御史周燦請逮行間諸臣不用命者戶科給事
中廖國遴糾總督江禹緒委卸御史楊若橋舉西洋人湯若
望演習火器劉宗周進曰唐宋以前用兵未聞火器自有火
器輒依為勁誤專在此上曰火器終為中國之長技宗周
曰湯若望以一夷人有何作用亦可上曰彼遠夷無斥遣之理
上色既不懌命宗周退又某人奏對上色漸解宗周又進
請釋姜琛熊開元云廠衛不可輕信是朝廷有私刑也上
色怒曰東廠錦衣衛俱為朝廷問刑何公何私乎宗周抗論

不屈上益怒責宗周免冠徐起退先是行人右司副熊開
元求獨對召入德政殿求屏閣臣周延儒求退不許開元奏
說大抵摘延儒之失退命補贖明日奏周延儒以釋纍囚蠲
宿逋起廢籍奉行德意自謂有裨于聖德有功于人才賢人
君子皆其引用俱有不平私相慨嘆而已孰敢起而攻之願
皇上徧召廷臣問延儒賢否即以所論賢否定其人之賢否
不半日間延儒心事可明諸臣流品亦別予以察吏安民誅
兇除暴天下之治端在于此若皇上不加體察一時將吏
狃于情賄雖民窮盜起失地喪師皆得無罪誰復為皇上




捐軀報國者 上怒下鎮撫司詰主使周延儒引退手勅慰
留初開元出朝禮部主事吳昌時力沮之雖補牘未敢盡在
獄列款累、鎮撫司不以聞嚴刑之下蒙蔽反甚

設遷曰昔人云觸忤貴臣禍在不測且與方得君群情翕
附熊開元能冒大諱宜侃、指斥如朱雲唐介政其會也
乃極慮平昔蕙俄頃微詞逢怒又補牘未詳所對見賣權
黨終被拷掠有違初志非批鱗之難其人耶

左良玉自朱仙鎮南潰久屯襄陽諸降卒附之衆二十萬其
餉于官者僅二萬五千餘因糧村落襄陽人不聊生

工科給事中陳燕翼上言兵餉單匱之由往年薛國觀等舍
剛正之士別用邊才利口雄賞競推方略至督撫大吏冒濫
會推冀幸數年優游建牙故不憚重賂求薦呈身及鼠腹已
盈秋風蠢動又不惜多金乞彈劾為游說 陛下設廠衛巡
緝即因廠衛為介紹耳目近侍即因近侍為援引 陛下經
年籌兵經年措餉不知此輩平日所輦輸得官者皆 陛下
之兵所滿載而候代者即 陛下之餉也 陛下深居法宮
亦然曾憬然悟此與左右大臣發憤改圖庶几快心于一戰
也昔楚子文自毀其家以舒楚國之難張良不受萬金之貨



報仇強秦今何煩此輩毀家但稍留餘地亦何用此輩捐貲
但稍存人理耳

脩撰魏藻德上言兵事 上善之

李自成哀時中攻舞陽不克

甲戌諭群臣戴罪脩省

建 陷江南沐陽

乙亥建 連陷沂州豐縣殺知縣劉光先一日來二千餘騎
于城西不攻夜有人自敵營逸語城上人曰彼且梯攻不之
信又逸者梯成立攻矣又逃婦出曰彼盡甲矣即至也昧爽

突攻西南隅方拒之忽梯登西北隅入焉

丙子廷杖給事姜中塚行人右副司熊開元仍下鎮撫司


復保定提督都御史議練兵三萬餉九十二萬七千有奇

遼東巡撫黎玉田請定經制裁虛糜從之

仍設監軍御史蔣拱宸監薊鎮魏瑄監督師張汝行仍

鎮守通州

吏科都給事中吳麟徵等會議要地督師撫督師范志完順
天巡撫潘永圖宜遠山永巡撫馬成名宣大提督江禹緒宣
府巡撫李鑑宜罪陝西巡撫蔡官治宜謫陝西提督孫傳庭



宜留江西巡撫張鳳翮被論偏沅巡撫陳睿謨衰邁廣西巡
撫林贄宜去從之

丁丑夜張獻忠陷太湖縣殺令楊春芳典史陳知訓殺教諭
沈鴻起訓導晏懋履

戊寅劉宗周削籍左副都御史金光宸降調吏部尚書鄭三
俊刑部尚書徐石麒各疏救不聽海寧貢士祝淵奏寬宗周
有旨停淵會試

建下陷蒙陰泗水滕縣
庚辰吏部特舉中外才望諸臣

吳國華為南司業

撫治鄖陽王永祚免

十二月丙寅朔李自成羅汝才合兵四十萬由唐縣而西左良
玉營襄陽近郊造戰舟于樊襄人怨其淫掠縱火焚之良玉
怒掠賈舟載贄擊其子而身率諸將營樊城高阜賊勢既盛
襄人咸焚香牛酒以迎


丁卯建下自長垣越曹濮別部抵青州陷臨淄知縣文昌時
全家自焚死

戊辰建下陷陽信殺知縣張予卿

國權

崇禎十五年

五十六



李自成至樊城左良玉以炮殺賊千餘騎拔營而南懼賊不敢復與爭鋒鄖撫王永祚棄城走

已巳建下攻濟寧拒卻之

李自成陷襄陽唐王

襄王常澄俱走免左良玉拔營南

走承天賊分兵陷夷陵宜城荆門直向荊州

辛未許雜流廢弁赴兵部具畫毋自請

建下陷濱州

壬申孟兆祥為太僕卿

惠王避岳州

癸酉建下陷兗州執魯王以泲脅金至盡自經王性孝謹事

父肅王依不刻離崇禎十年三月肅王疾甚以泲計無出

畫禱于廟夜半若有告語者刲股和羹以進而瘥詔旌之越

二年肅王薨以泲毀瘠骨立送葬徒步百里外終喪蔬食及


進封折節下士嘗飲香界園曰白氣魯分野恐變在年內也

至是城破遇害子一同日死左長史俞起蛟及兵備副使王

維新知府鄧蕃錫同知樊吉人管河川譚絲富順曾文蔚

摠河監紀同知閻調鼎推官李昌期知縣郝芳聲副摠兵丁

文明鄉官吏科左給事中范淑泰等死之維新後贈光祿卿



蕃錫字晉伯江南金壇人崇禎甲戌進士贈太僕卿李昌期
字穉隆直隸永平人崇禎丁丑進士贈山東按察僉事郝芳
聲字香宇忻州人崇禎庚辰進士贈山東按察僉事范淑泰
字通也滋陽縣人崇禎戊辰進士贈太僕少卿各廕監按察
僉事李恪遜城外敵退倉皇入城為土寇所殺
是日已刻建分兵上泰安青州魚臺武城金鄉單縣俱陷
甲戌偏沅巡撫陳睿謨棄荊州奉惠王常潤走湘潭李自成
馬遣守應援夷陵以犯澧州賀一龍趨德安以窺黃州一龍
至黃陂阻水不前止收左良玉殘兵八百人而先見羅汝才

自成大恨之

辛巳李自成至荊州士民開城迎

癸未建圖海州

甲申巡撫順天潘永圖提督三關馬成名免


發帑金二萬佐光祿寺煩費

乙酉孫傳庭請入援因防河南不許

丙戌禮部尚書林欲楫考績加太子太保

丁亥左良玉渡江避入武昌恣殺掠倡為據江扼剿之計

戊子李邦華改左都御史邱瑜榆汝成為禮部左右侍郎孫



晉為兵部右侍郎總督宣大山西

己丑工部右侍郎周堪賡督理汴河兼管河南山東鳳陽淮

徐河工給十萬金

故 于玉立贈太僕少卿

建 陷滕縣殺知縣吳良能

辛卯吳履中為大理左寺丞

癸巳陷江南榆贛縣


甲午山東武德道僉事雷演祚奏行間情形及督師范志完

縱掠索餉在德州如此沿途可知


陷嶧縣

乙未李自成至承天



建 陷郟城





國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

3393440 451

國家圖書館, NATIONAL CENTRAL LIBRARY, TAIWAN, R.O.C.





庚辰議處李待問傅淑訓張國維逮范志完
內官監太監車大任仍提督南京織造



故 姜紹武贈左都督


左良玉還九江亦大掠搃督袁繼咸見良玉以楚撫王聚奎
可給兵三百人良玉不聽巡按應天試御史鄭崑貞言根本
重地諸臣日有條陳 陛下日有嚴飭然對君父則曰事
豫備相告語則曰無可奈何輿歌異操築舍滋誤求一坐言
而起行者無有也今剝膚之痛已在武昌明知其危而明諉
之尚可謂國有人哉操撫合一之論即有乖舊制不可行操

國權

崇禎十六年

二九

國家圖書館, NATIONAL CENTRAL LIBRARY, TAIWAN, R.O.C.



江當勅駐池州以控上游樞臣熊明遇議論虛恢全無實着
操臣摩顧跡采石本其信地帆不一出在 陛下自有鑒裁
也

壬午楊鶴為右僉都御史整飭薊州邊備巡撫順天召改密
雲巡撫王繼謨

禮科給事中袁逢年論周延儒之罪奏曰使割絕私交早引
公忠廉勇之士布列闕薊胡騎即入未必披猖至此又使視
師之後以封疆耗澈督撫罪狀實入告則徵前愆後或收
補牢之效顧皆不出于此狗庇欺飾即非一端罪不可違臣

實負國又違顧國論乎哉

仍選武舉三科

癸未余文燿為大理左少卿

提督河道周堪廣報河決馬家口


甲申設太僕少卿于平涼

乙酉故 何熊祥贈太子少保

夜大雷雨震奉先殿左鴟吻流火鎔掉劍銅鑲

丙戌諭左良玉剿張獻忠于蕪黃母老師糜餉

戊子兵科給事中郝綱劾吏部郎中吳昌時禮部郎中周仲



璉竊權附勢納賄行私為周延儒乾子內閣票擬事關机密
事、先知初推選郎昌時語人曰允矣三日當下及引疾待
旨語人曰已准回籍調理昌時何豫知如此搃之延儒多慾
則不剛有用而有體智足以掩過而忠不足以謀國思竊附
于君子而不決去乎小人見忠直雖援護而寔遠之見邪佞
雖褻慢而寔昵之是以辜負知過耽誤封疆則延儒天下之
罪人而昌時仲璉又延儒之罪人也

庚寅禮部尚書林欲楫上東宮端本箴

辛卯 道御史蔣拱宸何綸各劾吳昌時貪險不法結錦

表衛喬可用藉其旗尉反為君停命昌時除名聽勘

七月壬辰督脩歷法光祿卿李天經言日食分数時刻與西各

有異同 上與宮中親測西法多合令更考訂求其畫一

甲午發帑金四十萬貯富新倉出陳納新


乙未命駙馬都尉冉興讓告太廟災異諭百官脩省

丙申李建泰為吏部左侍郎

戊戌葉初春為太僕少卿

己亥命加擢卓異四川按察使張有譽等

庚子孫傳庭以搃兵牛成虎為前鋒高傑將中軍王定官撫



民率綏夏兵為後勁檄左良玉赴汝寧夾擊

辛亥南兵部尚書熊明遇罷

史可法為南兵部尚書高弘圖為南戶部尚書改胡應台為南刑部尚書

方國安合副將徐懋德馬士秀步騎二萬擊賊大治斬千級
議處鄭三俊逮張國維侯恂以秉樞不職棄開封不守也并
責給事中方士亮郝綱御史蔣拱宸兵部郎中尹民興

甲寅停選九嬪

趙王常渙求徙城西蟻尖寨侯冠平還彰德不許

乙卯 上自訊吳昌時于中左門拷掠至折脛乃止并逮蔣

拱宸下獄尋徵延儒聽勘

金之俊改巡撫昌平

諭各鎮秋防在即夕月西郊毋入衛


丙辰免各省直崇禎十二年前上供紗綾紙絹等

丁巳左諭德項煜方拱乾為左庶子

諫恤故摠督盧象升洪承疇并覈各死事文武諸臣

己未戒廷臣私謁內侍果有事朝房商之

徵山東漕儲道按察副使方岳貢



上聞宛平大興預稅明年行戶下巡按城御史察之

庚申出千金資太醫院藥療疫自春二月迄今京中大疫死
已無筭日以萬計鬼物晝見內侍提舉所得鏹幣日夕收之
皆紙也是後市上各設水缶辦金錢浮沉又出二萬金下巡
城御史收殮

兵部郎中朱希萊請察援兵餉籍從之

左都御史李邦華請保安東南先自臣鄉始江撫宜駐九江
贛撫宜駐吉安南瑞兵備道宜駐寧州分巡湖西道宜駐永
新分守饒南九江道宜駐南康又江濱民多近賊非不肖有

司迫之何至悖謬若此故欲剿盜不若使民不為盜


八月壬戌朔光祿少卿路振飛為右僉都御史總督漕運巡撫
鳳陽

召提督京營恭順侯吳維英協理京營兵部右侍郎王家彥
前撫巡密雲王繼謨及路振飛方岳貢等于中左門

常國安戰金沙洲奪賊舟百餘艘

甲子四川按察使張有譽為應天府丞

乙丑大學士陳演少詹事兼東閣大學士魏藻德主禮闈故
事內閣首次主試時推四人陳演蔣德璟黃景昉魏藻德



上命演藻德皆有成心故不數日景昉予告

河南補鄉試主考文選司員外郎郭萬象 部主事

諭兵部逮失守卹死事各官

丙寅方岳貢為左副都御史

左良玉遣馬進忠復武昌遂復漢陽及各屬

左都督杜弘域為安廬水陸總兵官

張獻忠復陷岳州至臨湘知縣不息死之初沉撫李乾德

林 總兵孔希貴以兵二萬守城陵磯令岳州民他避以軍士詐

為民迎賊入城伏發盡殲留四賊貫割耳貫箭縱回獻忠

怒益進兵攻乾德立虛營旁林植旗伏炮積薪其上賊以火

攻之炮發殺賊數百人益怒水陸並進乾德飭戰艦中流度

矢石可及即止已賊矢礮並奮擊大敗之三戰三捷獻忠悉

眾二十萬圍岳州力屈城陷乾德希貴俱走長沙


戊辰兵部尚書馮元颺引疾左侍郎張伯鯨攝部事

張獻忠掠湘陽尋陷咸寧蒲圻前鋒至湘陰分軍為二一趨

長沙一上荊州獻忠欲北渡三卜于洞庭湖神終不吉

已巳應天府教授何九雲奏會試許之

庚午奪兵部右侍郎張鳳翔下刑部以諉避不議推督撫也



辛未裁南京操江都御史時罷鎮遠侯顧肇跡以誠意伯劉
孔昭代孔昭因召對泣陳文臣掣肘事權不一故有是命
襄城伯李國楨總督京營恭順侯吳惟英改領後軍都督府
左都御史惠世揚以輕處鄭三俊削籍
前諭入覲官薦將才令兵部彙上并文武大臣科道所舉堪
督撫總副者

設遷曰語曰上求才臣殘木上求魚臣乾谷天子銳意圖
治屢側其席而當事積玩反啟倖竇此奔彼競甲狗乙緣
凡語貌之夸蕩資性之跌逸俱督撫總副也朝馬受事夕


馬覆軍雖三尺不之貸猶嗜進不已囹圄成市中外互蒙
莫之能救矣

孫傳庭師次闔鄉李自成會諸賊于河南自汜水至滎澤伐
木渡河搃兵劉弘起以兵拒之乃退

乙亥議京西扼險京東睽絡分守
太監王承恩督察京營韓贊周守備南京

丙子大雨雪
出二萬金市馬

夜月食




丁丑永王出閣就學檢討方以智傳昂銓待詔呂和陽陳臯
謨侍講中書舍人史起何其達侍書

左都御史李邦華上言人臣奉法修職不幸而死官朝廷雖
不靳帷蓋之施在臣子何嘗有希冀之想然死亦殊塗矣或
庸愚尸位靡所表著或履豐席盈未嘗艱楚或血胤有託箕
裘丕振則溘焉長逝無以繫人深長之思而草木同腐之輩
即上恩勿逮哀謝亦為固然無足惜者故左副都御史張瑞
數歲而孤險阻無所不經筮仕樞曹端介蔚著衡文嶺南公
明無比脩兵江藩訓飭有方及進丞南京兆救荒勞瘁歷任

佐院振揚風紀乞病隕身敝篋故衣超然遠舉上無負朝廷
下不負其學術目是瞑矣違願去後而秉彛在人惻隱難昧
乞賜卹典風厲人群俾知立身行道之士不因存沒為顯晦
所關世教非淺小矣從之

總兵牛成虎敗賊于洛陽至汝州以無繼屯澠池
庚辰誠意伯劉孔昭提督操江給三萬金治舟械守關太監
韓贊周給五萬金資操練

張獻忠斂舟數千艘將北渡倏風起覆百餘舟溺數千人復
還岳州盡殺所掠婦女投之江焚其舟四十里宵江如晝遂




陸行向長沙

壬午大雷雨

丙戌張獻忠陷長沙總兵尹先民何一德降賊先是武昌陷
承天巡撫王揚基率所部千人奔長沙推官蔡道憲請還屯
岳州謂岳與長沙唇齒也併力守岳則長沙可保而衡永無
虞揚基曰岳非吾守也道憲曰棄北守南不失為楚地若南
北俱喪亦未見謝過有辭也揚基語塞道憲復請屯岳乃勉
赴岳州及賊入蒲圻揚基遂揚帆南適及王聚奎至亦自保
駐袁州逗留不進道憲復請屯岳州聚奎屯岳數日仍檄徙

南沙道憲曰既無恢北之志岳州無恙不于此時繕兵固守
乃棄之南下賊攻岳尚慮長沙為之援若岳不守長沙豈獨
全哉聚奎不納驅萬餘人入長沙所過牒犢薪黍如洗慘甚
于賊聚奎問道憲守禦之策條上四事勿善也賊偵聚奎走
率眾南下聚奎欲遁託言曰前者蔡推官所議甚是吾固欲
言之當親率兵于外任戰推官內守即夜乘小舟馳百餘里
入湘潭矣聚奎去巡按御史劉熙祚以吉王由 走衡州癸
未賊見帥旗下無一人笑而裂之至城下呼推官曰吾軍中
皆知爾名勸吾勿犯可速降毋自苦也道憲不應弩射之獻



忠怒攻三日夜而陷執道憲百計誘降不可磔之健卒林國
俊等九人追侍道憲賊勸道憲降時國俊曰如吾主可降亦
去矣不至今日賊云不降爾亦不得生國俊曰若我輩願生
亦去矣不有今日賊并殺之內四卒奮然曰願且延旦夕葬
主骸而後受刃賊許之于是四卒解衣裹骸塋之南郭四卒
自經甲申五月贈太僕少卿乙酉十月加贈太僕卿謚忠毅
道憲字元白晉江人崇禎丁丑進士授大理推官憂去起補
長沙治績甚著
庚寅故分守河南道副使吳橋王胤長贈光祿寺卿

張獻忠陷衡州

李自成築七城于襄陽城西驅難民誘官兵斬獲皆吾人也
孫傳庭不知其詳奏賊聞臣名皆驚潰臣誓肅清豫楚不以
一賊遺君父

九月壬辰朔諭部院有司多缺今會試副榜百十二人定銜盡
行除補到任有願再會試者聽之
上憫都人疫諭脩省釋輕囚


大學士黃景昉予告

巡撫延綏崔源之免

國權

崇禎十六年

三



癸巳周王恭楷定居彰德

甲子劉士楨為應天府尹

丙申張獻忠陷寶慶

己亥孫傳庭次汝州偽都尉李養純率所部來降知賊并兵守寶豐進擊賊堅守不下

辛丑攻寶豐賊救至搃兵白廣恩中軍高傑分擊之己克其城擒偽知州陳可新斬數千級


壬寅孫傳庭自朱仙鎮而南大雨六日糧車日行止三十里又道淖未至士馬俱飢或勸傳庭旋師就運傳庭曰吾軍行

已六七日度即還軍亦饑寧能濟乎要當破一縣就食

甲辰攻郟縣入之窮民驟羊二百餘頃刻分鬻食盡不足給丙午策貢士陳名夏等四百人于皇極殿賜楊廷鑑宋之繩等進士有差

諭朝臣凡失事定罪戰守定賞俱限奏十日餘犯矜疑可速結毋再延朕久服浣濯衣今日減膳外各衙門裁節事宜各條對

丁未吉王由桂王常瀛並至永州御史劉熙祚護吉王抵衡州值桂王走永州迎之方舟而前



已酉命河北山西就近餉孫傳庭兵時傳庭前鋒盡收賀一
龍左金王故部皆致死于賊而高傑悉賊情形三戰三捷自
成奔襄城自守食匱有飢色

左副都御史方岳貢言四事清言路以正人心定推陞以養
廉耻責吏治于荒殘宜選擇良吏儲將才于部伍宜專精校
閱 上是之


庚戌張獻忠走二王于永州官兵星散夜至茅粟舖執巡按
御史劉熙祚誘降不屈時獻忠分軍為三一往永州一入全
州一犯袁州獻忠歸長沙開科取士

辛亥張伯鯨為兵部左侍郎

壬子孫傳庭軍乏餉兵噪于汝州

癸丑劉芳名為署都察督僉事總兵官鎮守柳溝榆林李守
鏞為都督僉事總兵官鎮守居庸昌平

甲寅作新鈔戶部尚書倪元璐上言內發鈔式四文命臣詳
議鈔法歲有五千萬之入籌國長計孰便于此而或以久廢
乍復人則駭之不知此即民間之會票也宋時謂之錢引終
元之世錢法不行尚爾用之不匱况復化裁通變稽古宜民
乎主事蔣臣上八事曰速頒榜文十七年三月製鈔秋冬間




行約行鈔五千貫可蠲賦五百緡曰詳筭界法歲行五十萬
五歲為界一界之後以舊易新曰製作宜工御前頒背水研
質厚文清民間難倣約費五錢釐一張曰倒換宜信每鈔一
貫約銀九錢七分通行輸官俱准銀一兩換錢千文曰推行
宜審有司于出入抑勒或私取金銀計贓定罪盡徙其家于
邊屯田自贖曰積儲宜裕歲入五十萬量留其一于郡縣積
穀曰早開鑄局頒鈔法即宜頒錢法曰設重宜重錢法以部
侍郎督理寶源局又有專官鈔法亦宜增設

設遷曰國初行操法匪獨祿賜已也民輸賦買輸稅俱兼

金錢而三之上下相通其後賦稅專以金鈔法遂壅倪司
農曉人也議復鈔法欲專行于民間而不得上輸則自闕
之道矣且鈔一貫納銀九錢七分易之在官其衡必重或
胥吏例索是易一空鈔費一金不止雖甚愚不為也孔子
曰因民之所利而利之利不通于民庸可膠古而強之乎
今日廟議大槩盡餅此類是也

孫傳庭兵潰于襄城降盜李際遇陰通賊云官兵疲矣賊大
至傳庭問諸將若何搃兵高傑請戰白廣恩曰吾軍困宜駐
師分據要害步為營以薄城易耳傳庭恐賊走廣恩曰即



賊走我乘而擊之士氣倍奮傳庭曰將軍何怯獨不如將高
軍耶廣恩不憚又前覲總統各營方快引所部八千人去
之傳庭無如之何賊前鋒曰三堵牆其隊一紅一白一黑各
七千二百人紉重布為甲刃矢不能入接戰而敗陷泥淖中
殺傷三四千人高傑立嶺上望曰不可支矣麾衆退入于
河死也四萬餘人傳庭傑以數千人走河北值巡按御史蘇
京曰君自為計我當以實奏

乙卯故兵備僉事趙輝贈光祿少卿故 李時堯贈太

常卿故霸州同知丁師義楊佩顯並贈山東布政司右叅議

故 徐耀雲贈國子助教故 趙國光並贈宛平知

縣故 柯茂虹贈良鄉縣丞

進定國公徐允楨太子太傅寧晉伯劉光溥太子太師彰武

伯楊崇猷少傅宣城伯衛時春少保以督捕著勞也


丁巳 上聞李自成在滎陽汜水密禹閭趣孫傳庭掃盪

召進士陳丹衷于德政殿丹衷請身往廣西募土司兵

戊子李自成攻潼關白廣恩擊破之賊不退孫傳庭亦回潼

關衆尚四萬

庚申張獻忠殺巡按湖廣御史劉熙祚于寧鄉字仲緝江南




武進人天啟甲子貢士崇禎甲戌令興寧擢御史永州陷題
署壁二首倥偬軍旅已逾年家室迢遙已別顏南北骷髏多
作壘湖湘宮殿修成烟鷓血不啼無塚骨烏鴉偏集有情田
死生遲速皆前定堅此丹心映楚天其一故園隔別又經年
今顏非復舊時顏山川草木俱含泪貔貅旌旗盡作烟老婦
漫勞尋蝶夢兒孫切莫種書田長弘化碧非豪事留此孤忠
向九天其二熙祚年五十七弘光初贈左都御史謚忠毅
程註為南工部尚書趙維岳為刑部右侍郎施邦曜為通政
使並南京張鳳翼為右僉都御史巡撫延綏

寇陷蒼溪縣

總理京東山海永平天津宣大屯務周應期言各道所報有
一邑荒千五六百頃有通邑不滿千頃詳詢其故若積逋苦
雜差而雜差中如駟馬俵馬芝麻棉花絨等尤苦富人傾貲
貧人逋逃即日募墾種何益 皇上痛念殘地特免錢糧二
年則內庫芝麻花絨等皆免矣與其發帑而勸耕不如使民
自耕為長策與其避役而招集不如先寬其役為至恩

十月辛酉朔副總兵沈萬登復汝寧府萬登本汝寧大俠也聚
鄉勇萬餘人李自成偽授威武大將軍不受總督鳳陽馬士




英授副總兵是日偽威武大將軍馬尚志蒞任萬登陰使
謀入城因擁眾入誅五百餘人殺尚志獲印擒汝寧偽防禦
使金有章偽府尹鄧璉偽推官鄒士麟偽汝陽令樊仲表偽
固始令呂相周偽汝陽主簿胡定國偽學正胡明偽汝寧府
教授薛清鎮汝都尉侯可畏陳士榮吳勉黃家龍馮執
總兵劉良佐等以鳳泗兵副總兵高得功以禁兵合趨潁州
沈邱
壬戌召廷臣于中極殿令各舉清吏
李佺臺為南光祿卿高斗樞為太僕少卿

守備王民秉復光州擒偽知州方燧偽判官鄧來鳳
偽將李過陷閩鄉

癸亥加正一大真人張應京太子太保
徐州副總兵金聲桓討蕭瑒各盜平之初蕭縣盜王道善等
陷縣城焚徐州北關桃源盜程繼孔合之永城餘寇朱世安
燕青等相煽于徐宿歸永間聲桓以九月丁巳會兵分討程
繼孔請將以兵守之是日援諸寨斬二千八百餘級

山東總兵官劉澤清圍沈邱偽令周維新堅守不克
李自成間道緣山崖出潼關後夾攻官兵大敗孫傳庭死之



或曰李過追傅庭獲督師大纛疾馳潼關詔守卒乘間突入
巡按御史金毓峒走河上渡免後聞傅庭逃五台山為僧
甲子起馬岱都督同知總兵官鎮守保定
李自成結陣而西連陷華州渭南殺渭南知縣楊暄鄉官禮
部主事南居業
馬士英進兵河南副總兵莊朝樑以三千人來會汝南道韓
煜復息縣擒偽令張文彬義兵帥甲夏志復上蔡擒偽令熊
新運
大圍堡土賊勾張其在圍江西萬載知縣
遁賊二千餘

入城三日改龍城縣


乙丑聞建 屯山海關外總督王永吉赴山海永平發內帑
金八萬戶部十萬資餉

余應桂為兵部右侍郎張縉彥為左侍郎徐啟元為右僉都
御史撫治鄖陽

李自成陷臨潼

張其在陷江西萍鄉插嶺賊分萍鄉醴陵境上檄萍鄉令造
舟獻馬于是瑞表臨江新喻分宜之人俱空

丙寅諭有司贖緩除留額積穀外俱充餉



諭兵部撫賞薊密宣大屬夷

都督僉事杜應登為總兵官鎮守通州

巡撫陝西馮師孔知寇棘急入西安收保午刻設城守俄寇

至是夕高傑逃至不納寇攻城

丁卯刑科給事中龔鼎孳下獄

巡撫遼東黎玉田報建牛車二百餘輛運炮矢薄山海關

上下兵部計之

戊辰李自成陷商州屠之商雒道兵備副使黃世清寇屠

商州關中心瓦解

諭兵部曰孫傳庭負任削督師尚書銜以秦督充為事官扼

守關隘圖効自贖復諭兵部晉豫任東西撫各整兵駐河上

不許一賊窺渡

己巳選給事中御史八人助守京郡

總兵白廣恩加盪寇將軍給兵三萬

庚午左春坊左中允馬世奇楊昌祚主武試俱兼編修

脩撰劉理順編修楊昌祚吳國華為左春坊左庶子

禮科都給事中沈胤培請攷庶吉士從之

張獻忠陷常德

國權 崇禎十六年

四十六

